



**Claudii Fleurii Abbatis Historia Ecclesiastica**

Ab anno Christi 1521. usque ad annum 1525

**Fleury, Claude**

**August. Vind. [u.a.], 1769**

**VD18 90118472**

§. 104. Conditiones libertatis Franciæ Regi oblatæ.

---

[urn:nbn:de:hbz:466:1-66495](#)

**Sæcul. XVI.** diam esse conjiciendum, Franciam ve-  
**A.C. 1525** ro a Cæsare subigendam, cum nullo va-  
 lidiori medio nimiam Turcarum poten-  
 tiā frangere posset, quam totam Chri-  
 stianam Rempublicam ad unam Monar-  
 chiam redigendo, cuius caput Impera-  
 tor, centrumque Francia esset. Deni-  
 que Albæ Dux censebat, Galliarum Re-  
 gem esse cogendum, ut libertatem suam  
 lytro redimeret, acquisitam vero inde  
 pecuniam tantæ victoriæ digna fore præ-  
 mia, indeque maximum, quantum fieri  
 posset, fructum esse reportandum.

## §. CIV.

*Conditiones libertatis Franciæ Regi  
oblatae.*

**A**mborum sententia communi applau-  
 su acceptata fuit, quapropter Rodii  
 Comes supremus Cæsareæ aulæ Magi-  
 ster cursoriis equis in Italiam decerne-  
 batur, ut Regi significaret, Cæsarem ei-  
 dem libertatem reddere paratum, ea ta-  
 men lege, ut præter prætensa illius ju-  
 ra in Neapolis Regnum, & Mediola-  
 nensem Ducatum, sine omni prorsus con-  
 ditione ac reservatione Burgundiæ Du-  
 catum restitueret, Provinciam & Del-  
 phinatum a Franciæ Imperio avelleret,  
 ac Borbonio Duci unacum ceteris om-  
 nibus terris cederet, ut ex iis Regnum  
 erige-

erigeretur, quod nullo pacto a Franciæ Imperio dependeret, ac nequidem eidem clientelari nomine obnoxium esset, nec minus Galliarum Rex Angliæ Regi in omnibus plene satisfaceret, quicquid ille ab eo jure sibi debitum peteret. Has conditiones Franciscus Rex constanter rejicit, professus, se potius in carcere moriturum, quam Regnum ulla Provincia spoliaturum.

Dum hæc gerebantur, Borbonii Dux, & Piscarius indignatione in Cæsarem concepta, quod ea, quæ illis promiserat, non persolvisset, invicem conspirabant, injuriamque, quam sibi illatam credebant, ulcisci constituebant. Ergo consilium ceperunt, Franciæ Regem in suam redigendi potestatem, eumque libertati afferendi, dummodo is Piscario sua in Neapolin jura cederet, & Borbonum bonis, dignitatibus atque officiis restitueret, eique in uxorem daret ejus Sororem, quæ nuper defuncti Alenonii Ducis conjux erat. Hunc in finem Lanoyo exponebant, Regem Neapolin esse transferendum, jamque confilium maturari cæperat: ast Franciscus Galliarum Rex ex nimia captivitatis suæ indignatione libertatis spem sibi meti p̄s p̄ciderat; tædio enim servitutis obtutus, facile libertatem honestis sub-

*Hist. Eccles. Tom. XXXIV. Nn con-*

**Sæcul. XVI** conditionibus se obtenturum credebat,  
A.C. 1525. si ipsus in Hispaniam ire, atque suam  
 ex captivitate liberationem supplex ro-  
 gare posset; quapropter hoc consilium La-  
 noyo proposuit, quod & ipse ratum ha-  
 buit, ut eo certius Regem a Borbonii  
 & Piscarii potestate avelleret, atque in  
 Cæsaris arbitrio relinqueret; ea vero  
 consilia, quæ aduersus præfatum utrum-  
 que Belliducem cuderent, ut Rex ne-  
 mini manifestaret, unice Lanoyus eun-  
 dem adstrinxit, voluitque, ut pro suo  
 in Hispaniam itinere proprias triremes,  
 sed inermes transmitteret.

§. CV.  
*Galliarum Rex in Hispaniam  
 deductus.*

**C**unctis annuit Rex, datamque fi-  
 dem exfolvit; quippe Gallicæ tri-  
 remes nullo tamen milite instructæ ad-  
 vehebantur, quibus Lanoyus Hispanas  
 imposuit copias, ac ipsem unacum Re-  
 ge vela fecit, videntibus juxta ac con-  
 sentientibus Borbonio Duce, & Pisca-  
 rio, qui Neapolin versus iter institui exi-  
 stimabant. Evidem Franciscus Rex  
 secundis ventis in Hispaniam defereba-  
 tur, verum vix appulsus, suum agno-  
 vit errorem, quo tali fese credidit loco,  
 ex quo ægre admodum a suis liberari  
 posset.